



REPUBLIKA E KOSOVËS

KUVENDI I KOMUNËS – VUSHTRI

**PROCESVERBAL
NGA MBLEDHJA E VI E RREGULLT E KUVENDIT TË KOMUNËS SË
VUSHTRISË, MBAJTUR MË 27 QERSHOR, 2024**

Mbledhja është mbajtur në sallën e Kuvendit të Komunës së Vushtrrisë, duke filluar në orën **10:20**. Në këtë mbledhje ishin të pranishëm anëtarët e Kuvendit të Komunës së Vushtrrisë: Adnan Lahu, Alban Bajrami, Agim Bregaj, Agron Përçuku, Ali Januzi, Arlind Gogolli, Basri Menxhiqi, Behar Duraku, Bekim Zabërgja, Blerina Shala, Bujar Pllana, Edona Gashi, Faton Hyseni, Leonora Gërguri, Kushtrim Hyseni, Fakete Dushi, Fatmire Cecelia, Jeton Gjaka, Refik Maloku, Melihate Basholli-Latifi, Mek Selaci, Mensur Kasumi, Mensur Kastrati, Mentor Hasani, Mentor Ferizi, Nasuf Aliu, Nurten Çerkezi-Gjyshinca, Spasoje Stefanoviç, Sylejman Meholli, Ymer Haradinaj dhe Zojë Hajrizi.

Munguan: Gentiana Rama, Gresa Muli, Nurie Halili dhe Shkelzen Xhaferi.

Mbledhjen e hapi dhe e kryesoi Melihate Basholli-Latifi, Kryesuese e Kuvendit, e cila konstatoi se në sallë janë prezent 31 anëtarë të kuvendit, kuorum i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, nënkryetarja e komunës znj. Hava Rruka-Mlinku, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Melihate Basholli-Latifi, kryesuese e kuvendit- në fillim të mbledhjes njoftoi kuvendin për pika shtesë, për bashkëngjitje për shqyrtim në rendin e ditës.

Faton Hyseni, anëtar i kuvendit- në adresimin e tij para kuvendit lexoi një kërkesë nga z. Nazif Ferati Rr. "Lidhja e Lezhes" Nr.33, Vushtri, Drejtuar: Kuvendit Komunal–Vushtrri, Kryetarit të Komunës: z. Ferit Idrizi, ku më herët, para 14 muajve kamë bërë kërkesë me shkrim dhe me gojë me drejtorin e Shërbimeve Publike z. Benjamin Shala, për çështjen e kanalizimit i cili më ka premtuar se do kryhet shumë shpejtë, mirëpo deri më sot nuk është punuar në rrugën "Ibrahim Rugova", mbi Zjarrëfiksat-Svaraçak dhe po ashtu edhe kërkesa ime me shkrim dhe gojë nuk është realizuar deri më tani. Ju njoftoj se në vendin ku kam kërkuar vendosjen e kanalizimit dhe ndriçimit, janë tri shpija në ndërtim e sipër që do e shfrytëzojnë edhe këtë kanalizim dhe ndriçim, po ashtu në këtë sipërfaqe janë pjesëtarë edhe Nazif Ferati, Ahmet Ferati, Njazi Ferati, Valon Ferati dhe Azize Bytyqi e Sejdi Zhushi, Ali Zhushi të cilët mund të lidhen në këtë rrugë, kanalizim dhe ndriçim. Në afërsi të ndërtesës ka edhe ndërtesa tjera që janë duke banuar me banorë e që mund të përfitojnë nga kjo punë në kanalizimin e kësaj lagjeje dhe ndriçimi i duhur që do shërbente edhe për banorët tjerë në afërsi. Gjithashtu ju njoftoj

se me dt. 10 janar 2024 është bërë kërkesa për ndriçim publik dhe për rrugë sipas Drejtorisë për Shërbime Publike nr.11-104/02-0001588/24 e cila është evidentuar pranë Organeve komunale të Vushtrrisë -Njësia e Drejtorisë Publike, mirëpo gjerë më tani nuk kemi përgjigje pozitive dhe po ashtu nuk kemi informim për fillimin e këtyre punimeve që do na ndihmonte shumë banorët tjerë në afërsi të kësaj ndërtese. Edhe përkundër asaj që i kemi dhuruar nga pronarët e shfrytëzimit të parcelave Komunës si shpronësim falas për nevojat publike sipërfaqja prej 169 m gjatësi me 2 m gjerësi nga pronari Ali Zhushi dhe 124 m gjatësi me 2 m gjerësi nga pronari Sejdi Zhushi. Vushtrri, 27.06.2024. Në fund deklaroi se shpreson që në një afat së më të shpejtë organet komunale të ndërmarrin veprimet e duhura për realizimin e këtyre projekteve.

Leonora Gërguri, anëtare e kuvendit- në emër të grupit kuvendar të LDK-së deklaroi: të nderuar të pranishëm, të dashur qytetarë të Vushtrrisë, gjatë këtyre tri viteve qeverisje të Kryetarit Idrizi, kemi parë pak punë, e shumë drama. Nuk e dimë se cilat premtime i ka realizuar Kryetari gjatë kësaj periudhe, nuk e dimë ne si anëtarë të kuvendit e lëre më qytetarët e Vushtrrisë. Ka dështuar me ujë, po dështon me sheshin dhe po dështon me çdo projekt, por fatmirësisht ka projekte të mjaftueshme të cilat kanë filluar gjatë qeverisjes së kaluar me të cilat po krenohet Kryetari. Për tri vite janë shkarkuar më shumë se 13 drejtorë komunal. Pyetja është se: gjithë këto ndërrime a i ka bërë vet Kryetari, apo është detyruar t'i bëjë nga dikush tjetër? Nëse i ka bërë vet, po del të jet një menaxher shumë i dobët. Nëse është ndikuar nga dikush tjetër, atëherë se di si mund të jesh Kryetar Komune duke u ndikuar nga të tjerët. Me shumë gjasë Kryetari nuk mund t'i marr vendimet vet, këtë e dëshmon më së miri shkarkimi dhe riemërimi i drejtorit të Drejtorisë së Prokurimit Publik në Komunën tonë. Kryetar, nëse e shkarkuat vet, pse e kthyet sërish, kush ndikoj? Ne e dimë, por a mund t'ju tregoni ju edhe qytetarëve. Keni shumë punë të filluara të cilave nuk ju dihet afati i përfundimit. Rruga për në Begaj është pothuajse e pakalueshme, rruga për Nedakoc ka mbetur në gjysmë për më shumë se tri vite, njëjtë edhe rruga për në Qyqavicë. Keni investuar në rregullimin e varrezave të martirëve në Studime të Epërme dhe keni bërë mirë, por të njëjtën punë nuk e keni bërë në varrezat e qytetarëve, a mund ta dimë pse Kryetar?, - nuk duam të besojmë që këto dallime i bëni për përfitime elektorale. Lista e punëve të papërfunduara është shumë e gjatë Kryetar, gjithashtu edhe lista e dramave dhe skandaleve në Vushtrri është e gjatë. Në çdo punësim shihen lidhjet e të punësuarve me pushtetin aktual. Punësimi i fundit është qershia mbi torte, ku të dashur qytetarë Kryetari i Komunës punëson renë e vëllait. A mund të na shpjegoni këtë punësim Kryetar, apo mjafton shpjegimi që e keni dhënë për media, kinse nuk keni qenë i informuar?

Ymer Haradinaj, anëtar i kuvendit-përsërit se edhe në mbledhjen e kaluar ka kërkuar nga kryetari i komunës, emrat e drejtorëve të drejtorive komunale, por një informatë të tillë nuk e ka pranuar as me shkrim dhe as me prononcim të kryetarit të komunës para kuvendit. Një gjë e tillë është obligim ligjor për kryetarin e komunës që ta njoftoi kuvendin për emrat e kabinetit të tij qeveritar. Prandaj, ai kërkoi informatë lidhur me numrin e drejtorive dhe emrat e tyre si dhe a ka mbulim financiar për drejtorit që janë themeluar rishtazi.

Sylejman Mehulli, anëtar i kuvendit-tha se, me që gjashtëmujori i parë i viti 2024 po përfundon, duhet t'i bëjmë një analizë për ecurinë qeverisëse për këtë periudhë në veçanti dhe qeverisjes tri vjeçare në përgjithësi të cilën e ka quajtur qeverisja e lodhur e Ferit Idrizit, kjo për faktin se të ndërrosh nënkryetarin dhe 13 drejtorë të drejtorive komunale, për më pak se tri vjet qeverisje, të provosh të njëjtin drejtor në tri drejtori të ndryshme Kadastër, Prokurim dhe Arsim, nuk ka rëndësi kualifikimi profesional i drejtorit se a përshtatet në këto drejtori apo jo, zgjidhja është thjesht universale. Të provosh të njëjtin drejtor në dy drejtori Kadastër dhe Financa, nuk ka kurrfarë rëndësie kualifikimi profesional i drejtorit dhe vizioni i tij. Në qeverisjen e "lodhur" Idrizi, provohen dy drejtorë në shëndetësi, tre drejtorë në arsim, 5 apo 6 drejtorë në prokurim, tre drejtorë në inspektive, dy drejtorë në financa, dy drejtorë në administratë. Të qeverisësh sikur Ferit Idrizi

do të thotë të punësosh asamblistë dhe familjarë të tyre, sa për ti kaluar disa vendime në kuvend. Në raste të caktuara, hapur pastron rrugë, shkurre e male, ndërsa rrugët gjithandej qytetit janë në kaos nga prerja e asfaltit dhe mosrregullimi i tyre nga operatorët që janë kontraktuar nga Komuna e Vushtrrisë. Shkarkon drejtorin e Drejtorisë së Inspektimeve vetëm disa muaj pasi e emëron të njëjtin, merr mundin që të shkarkoi Drejtorin e Prokurimit vetëm një muaj pasi e emëron atë, provon ta shkarkoi por nuk mund ta bëjë një gjë të tillë, sepse të njëjtin detyrohet ta kthej përsëri aty ku ishte, në një rang pak më të lartë si drejtor i drejtorëve. Për më tepër kryetari nuk mjaftojnë 12 drejtori komunale dhe i shton ato në 14, nuk ka rëndësi stafi se a kanë këto drejtori, nuk është i rëndësishëm planifikimi i buxhetit për këto drejtori me rëndësi është që dikë ta emëroi drejtor. Pas tri viteve shkarkon Drejtoreshën e Urbanizimit sepse sipas kryetarit e njëjta është lodhur nga udhëtimi Prishtinë-Vushtri, defakto kryetari e pranon se qeverisja e tij është lodhur. Kjo qeverisje kosite bari e ujitë bari në minus temperaturë dhe në të njëjtin i pastron rrugët nga bora, ky paradoks tregon për keqpërdorim të parasë publike. Pas tri viteve shkarkon drejtoreshën e kulturës sepse të njëjtës kishte filluar ti zgjerohet drejtoria e më vonë sipas porosisë i ndërton një drejtori të re për ta rehatuar. Nuk arrin t'i kyçë në rrjetin e ujësjellësit qytetarët, fshatrat dhe lagjet që janë pa ujë të pijes, as pas tri viteve të qeverisjes së tij. I mashtron punëtorët e administratës për pagesën e shujtës dhe në fund nuk ia paguan ato. Refuzon rritjen e subvencioneve për fëmijët e porsalindur nga 120 në 250 €, vetëm e vetëm se propozimi kishte ardhur nga LVV në Vushtri. Punëtorëve të Ndërmarrjes “Përparimi” iu ndalon pagat dhe çuditërisht të njëjtëve iu premtan vaksina kundër tetanosit. Refuzon zbatimin e vendimit të kuvendit për emërimin e teatrit “Adem Mikullofci”, ndërsa emëron sheshe dhe vendkalime pa vendim të kuvendit. Në fund tha se, lista e dështimeve është e gjatë dhe lirisht mund të thuhet se qeverisja e Ferit Idrizit është më e dobëta në historinë 24 vjeçare të Vushtrrisë.

Adnan Lahu, anëtar i kuvendit- duke iu adresuar Kuvendit dhe qytetarëve të Komunës së Vushtrrisë, ngriti dy shqetësime të qytetarëve të Vushtrrisë që kanë të bëjnë me banorët në rr.”Shotë Galica”, ku pas zgjerimit të rrugës maxhistrale ajo pikë është bërë shumë e rrezikshme për banorët lokal, këta banor për me shumë se 200 nënshkrime kanë bërë kërkesë komunës që të zgjerohet ajo pjesë e rrugës. Ai sqaroi se në atë vend ka pronë komunale dhe mundet lehtë me një angazhim të bëhet rregullimi i zgjerimit të asaj rruge dhe kësaj do të mënjanohet rreziku për jetët e atyre banorëve. Çështjen tjetër që e ngriti është ajo e ndihmës financiare për klubin e futbollit në vlerë prej 100,000.00 € dhe pyeti se a ka mjetet komuna që të mbuloj këto kosto, sepse siç e dimë komuna nuk po gjen mjete për financimin e projekteve për shuma edhe më të vogla, ndërsa në rend dite kemi një propozim-vendim me një shumë të konsiderueshme të mjeteve buxhetore. Për më tepër ai pyeti se DKRS në Vushtri a ka bërë një skanim të gjendjes së funksionimit të këtij klubi, sepse ka tri vjet që ky klub nuk është duke funksionuar e në ndërkohë që komuna vazhdimisht e ka subvencionuar këtë klub. Ai mendon se duhet të bëhet një analizë e gjithanshme e këtij klubi para se të ndajmë mjete. Pastaj informoj se Klubi i Hendbollit Samadrexha F, do të marr pjesë në garat ndërkombëtare dhe do të ishte mirë që edhe ky klub të subvencionohet.

Fatmire Cecelia, anëtare e kuvendit-ngriti shqetësimin e banorëve për rr. Drenica, nga ura e Lumit “Silnica” në drejtim të fshati Bukosh, ku pyeti se kur do të përfundohet kjo rrugë, për faktin se për një periudhë gati tre muaj është mbyllur kjo rrugë. Ky projekt është në bashkëfinancim me Ministrinë e Infrastrukturës, por menaxhimi i kontratës është nga ana e komunës. Më tej pyeti se a është paraparë ndonjë projekt për rregullimin e rrugës në fshatin Dolak e cila është pothuajse krejtësisht e shkatërruar.

Ferit Idrizi, kryetar i komunës-pasi i përshëndeti gjithë të pranishmit në adresimin e tij para kuvendit deklaroi se: çështjet e ngritura nga anëtarët e kuvendit dhe shqetësimet e tyre në totalitet

janë të bazuara, dhe ceku se ato do ti adresoj tek operatorët ekonomikë që janë të kontraktuar, dhe aty ku ka urgjencë do të intervenohet në rregullimin e infrastrukturës. Deputetja Leonora Gërguri, ngriti shumë çështje por mendimi i saj dhe i qytetarëve mund të ndryshojnë, sepse ai ishte në fshatin Studime e Epërme dhe ata banorë janë jashtëzakonisht të kënaqur me punën që është bërë në rregullimin e varrezave sepse gjendja ka qenë jashtëzakonisht e keqe dhe do të bëhet edhe zhvendosja e rrugës dhe do të bëhet aty një kompleks ashtu siç e meritojnë ata martirë. Sa i përket punësimeve vlerësoi se ati i vjen shumë keq por atë letër që deputetes Gërguri ai ka shkruar dikush, është mirë ta lexoj dy apo tri herë, sepse pikërisht motrën e gruas së kryetarit të LDK-së e kemi transferuar në administratën e komunës dhe ai nuk bënë dallime partiake në punësim por punësimet bëhen vetëm në formë ligjore. Lidhur me projektet të natyrës kapitale ekonomike të filluar në qytetin e Vushtrrisë, njoftoj se të gjitha këto projektet me peshë janë edhe sfiduese por të gjitha e kanë dinamikën e tyre të përfundimit dhe mund të thuhet se të gjitha janë në afatin optimal të përfundimit të tyre. Për sa i përket rrugës “Lumni Surdulli” që është një arterie e fuqishme që e zbrazë qytetin, ceku se, është sipas dinamikës dhe standardeve dhe mendon se nga mesi i korrikut do jepet shtresa e parë e asfaltit kësaj rruge. Lidhur me emrat e drejtorëve, njoftoi se brenda afatit 30 ditor raporton dhe njoftoi se Drejtoresha e Urbanizimit ka kërkuar të lirohet nga detyra dhe e ka lejuar sepse e njëjta është transferuar me punë në Komunën e Prishtinës. Sa i përket Kompanisë “Përparimi” ceku se ndoshta ka bazë për kritikë por qytetarët nuk kanë ankesa për këtë kompani dhe menaxhimin e mbeturinave. Lidhur me një drejtor komunal, ceku se i ka skaduar licenca, ndërsa në momentin që e ka përtërirë licencën ai është kthyer në udhëheqjen e drejtorisë së apostrofuar. Lidhur me shqetësimin për rr. Shotë Galica, ceku se është bërë kërkesa për dislokimin e një shtylle elektrike në KEDS dhe mendon se kjo çështje shpejt të rregullohet. Mendon se në rrugën maxhistrale sikur të ishin respektuar rreth-rrotullimet dhe semaforët nuk do kishte aksidente deri në fatalitet apo ato do ishin shumë të rralla. Lidhur me subvencionimin e klubit të futbollit, ceku se është në gjendje shumë të keqe dhe ndihma prej 50,000.00 € që është e ndarë, është marr nga ATK-ja si pasojë e obligimeve financiare të klubit ndaj kësaj të fundit. Por akoma nuk është zyrtarizuar por këtë klub e ka marr në menaxhim Kompania Interex, ku kjo e fundit ka marr obligim që të fshijë borxhe në vlerë prej 300,000.00 €, ndërsa komuna do ti ndaj 50,000.00 € do ti ekzekutoj këtë vit ndërsa pjesën e mbetur në vitin 2025. Lidhur me ofrimin e ndihmës për klubin e hendbollit, tha se kanë gjetur sponsor përmes formës ligjore dhe kjo është tepër e mirëseardhur, ndërsa është në negociatë të gjej edhe ndonjë sponsor edhe për klubin e femrave, kurse njoftoj se ndihma e komunës për këto klube nuk ka munguar asnjëherë. Projekti i rregullimit të rr. Drenica është tepër i rëndësishëm dhe ceku se ajo rrugë ka qenë tepër e rrezikshme për shkak se ka qenë e ngushtë dhe trotuari i ngritur lart ashtu që ka paraqitë rrezik qoftë për këmbësorët ashtu edhe për vozitësit e automjeteve. Kjo rrugë do të bëhet sipas standardeve me projekt detaj ku përfshihet infrastruktura nëntokësore kabllot e rrymës dhe telefonisë, kanalizimi atmosferik dhe do të vendosen pusetat. Nga takimi që ka pasur me operatorin ekonomik ka marr obligim që nga data 5 korrik 2024 do të bëhet shtresa e parë e asfaltit dhe rruga do të lirohet. Në fund paraqiti disa prej emrave të drejtorëve komunal që janë emëruar së fundmi.

Adnan Lahu, anëtar i kuvendit-përsëriti pyetjen e tij se, a ki më mjete për ta mbështetur klubin e futbollit, ndërsa shtroj nevojën që të përkrahet edhe klubi i hendbollit i cili do marrë pjesë në garat evropiane.

Leonora Gërguri, anëtare e kuvendit-tha se, kryetari i komunës ka bërë një punë të mirë sa i përket varrezave të martirëve, por ka ankesa se varrezat e qytetarëve është mirë që edhe ato të rregullohen. Tutje përsëriti se punësimet janë duke u bërë sipas vijës politike dhe partiake.

Sylejman Mehulli, anëtar i kuvendit-tha se të gjitha punët e mira që bëhen në Komunën e Vushtrrisë do ti përkrahin, ndërsa shtoj se ka më tepër se një vit që në fshatin Akrashticë arteriet kryesore të kanalizimit nuk funksionojnë ku kemi kundërmim të tmerrshëm, kërkoj që me urgjencë të rregullohet kjo çështje. Po ashtu kërkoj nga kryetari i komunës që të ushtroj ndikimin e tij ndaj operatorëve ekonomikë që të kthejnë në gjendjen e mëparshme rrugët në të cilat është prerë asfalti, sidomos në unazën e qytetit.

Ferit Idrizi, kryetar i komunës-lidhur me prerjen e asfaltit, sqaroi se, dëmin më të madha është duke e shkaktuar Kompania Regjionale e Ujësjetësimit dhe në takimin që ka pasur me zyrtarët e kësaj kompanie iu është bërë me dije se prerja e asfaltit nuk mund të bëhet pa pëlqimin e komunës. Lidhur me ndihmën për klubin Samadrexha, njoftoi se kryetari i klubit duhet ti adresohet komunës me një kërkesë e më tej do të shikohen mundësit që edhe këtij klubi ti dilet në ndihmë. Në takimin me kryetarin e këtij klubi i kishte kërkuar kryetarit të komunës që të iu sigurohet një autobus dhe një gjë të tillë komuna e ka siguruar.

Jeton Gjaka, anëtar i kuvendit-parashtror një kërkesë për ofrimin e ndihmës financiare për znj. Hanëmshaha Kajtazi, e cila vuan nga një sëmundje e rëndë kanceroze, ndërsa gjendja e saj sociale është e rënduar dhe nuk po ka mundësi të mbuloj shpenzimet e mëdha për trajtimin e kësaj sëmundje. Kërkesa është që të ofrohet ndihmë financiare në shumë prej 8000 €.

Ymer Haradinaj, anëtar i kuvendit-parashtror një kërkesë për ofrimin e ndihmës financiare për fermerin z. Rasim Vatovci, të cilit nga energjia elektrike i është djegur shtalla dhe dëmet materiale janë të konsiderueshme, andaj propozoi që ti ndahet një shumë prej 8000 €.

Ferit Idrizi, kryetar i komunës-tha se, dy propozimet e bëra e kanë bazën dhe arsyen, janë të logjikshme, por kërkoj që këto kërkesa të kthehen dhe të vijnë përmes komisioneve pasi të bëhet një analizë e mirëfilltë, sepse ka edhe shumë kërkesa tjera. Kërkesa për shërim të vjen përmes komisionit për shëndetësi dhe ata të caktojnë vlerën e ndihmës për shërim. Po ashtu edhe kërkesa për fermerin duhet fillimisht të bëhet vlerësimi i dëmit e më pas nga ana e komisionit të sillen në kuvend për aprovim.

Agron Përçuku, anëtar i kuvendit-tha se, vërtet gjendja e familjes së znj. Hanëmshaha Kajtazi, është e rëndë dhe është mirë që të ndihmohet, ai potencoi se ndoshta do të ishte mirë që nga shuma e mjeteve të dedikuara për klubin të zbritet një pjesë e mjeteve dhe ti ndihmohet parashtrueses së kërkesës e cila gjendjen shëndetësore e ka tepër të rëndë edhe është emergjente ti dilet në ndihmë.

Në vazhdim kryesuesja e kuvendit i hedhe në votim në mënyrë individuale pikat e propozuara në të ndryshme dhe atë me sa vijon:

Kuvendi pas votimit me 25 vota “për”, 1 votë “abstenim”, e aprovoj për inkorporim në rendin e ditës Propozim-vendimin për miratimin e propozimit të Kryetarit të Komunës për këmbimin e pronës së paluajtshme komunale me pronën private, për zgjerimin e rrugës “Tahir Gerbeshi” në fshatin Ropicë –Vushtri.

Kuvendi pas votimit me 25 vota “për”, 1 votë “abstenim”, e aprovoi për inkorporim në rendin e ditës Propozim-vendimin për miratimin e propozimit të Kryetarit të Komunës për këmbimin e pronës së paluajtshme komunale me pronën private, për zgjerimin e rrugës “Zeqir Gubetini” në Nedakoc –Vushtri.

Kuvendi pas votimit me 27 vota “për”, e aprovoj për inkomporim në rendin e ditës Propozim-vendimin për ndarje të mjeteve financiare për organizimin e shënimit të 100 vjetorit të rezistencës së Heroit Azem Bejta.

Kuvendi pas votimit me 27 vota “për” e aprovoj për inkomporim në rendin e ditës Propozim-vendimin për përkrahje financiare për Klubin e Futbollit “Vushtrria”.

Anëtari i kuvendit z. Adnan Lahu, nuk mori pjesë në votim me qëllim të shmangies së konfliktit të interesit, lidhur me mjetet financiare për Klubin e Futbollit “Vushtrria”.

Ymer Haradinaj, anëtar i kuvendit-njoftoi se me qëllim të respektimit të procedurave ligjore, tërhiqet nga propozimi i tij, për ofrimin e ndihmës financiare për fermerin Rasim Vatovci, ashtu që procedurat të zhvillohen përmes komisionit për vlerësimin e dëmeve nga fatkeqësitë natyrore.

Kuvendi pas votimit me 28 vota “për” e aprovoj për inkomporim në rendin e ditës kërkesën për ofrimin e mbështetjes financiare për shërim për znj. Hanëmshahe Kajtazi.

Në fund të debatit, jashtë rendit të ditës dhe për rendin e ditës, Kuvendi pas votimit me 27 vota “për” aprovoi këtë:

R E N D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, e muajit maj 2024, mbajtur më datë 03 qershor 2024.
2. Shqyrtimi i Informatës për ndarjen e bursave dhe shpërblimet e nxënësve për vitin 2023/2024.
3. Shqyrtimi i Informatës lidhur me ofrimin e shërbimeve nga Drejtoria për Administratë.
4. Shqyrtimi i Informatës rreth procedurës së legalizimit të objekteve pa leje.
5. Shqyrtimi dhe aprovimi i Raportit të vlerësimin të dëmeve nga fatkeqësitë natyrore dhe fatkeqësitë tjera.
6. Shqyrtimi dhe aprovimi i Propozim-vendimit për aprovimin e Kornizës Afatmesme Buxhetore 2025-2027.
7. Shqyrtimi dhe aprovimi i Propozim-vendimit për ridestinimin e mjeteve të lira financiare nga investimet kapitale.
8. Shqyrtimi dhe aprovimi i Propozim-vendimit për miratimin e propozimit të Kryetarit të Komunës për këmbimin e pronës së paluajtshme komunale me pronën private për zgjerimin e rrugës “Tahir Gerbeshi” në fshatin Ropicë –Vushtri.
9. Shqyrtimi dhe aprovimi i Propozim-vendimit për miratimin e propozimit të Kryetarit të Komunës për këmbimin e pronës së paluajtshme komunale me pronën private për zgjerimin e rrugës “Zeqir Gubetini” në Nedakoc –Vushtri.
10. Shqyrtimi dhe aprovimi i Propozim-vendimit për ndarje të mjeteve financiare për organizim e shënimit të 100 vjetorit të rezistencës së Heroit Azem Bejta.
11. Shqyrtimi dhe aprovimi i Propozim-vendimit për përkrahje financiare për Klubin e Futbollit “Vushtrria”.
12. Shqyrtimi i kërkesës për ofrimin e mbështetjes financiare për shërim për znj. Hanëmshahe Kajtazi.
13. Pyetje dhe përgjigje.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, e muajit maj 2024, mbajtur më datë 03 qershor 2024.

Pas shqyrtimit të kësaj pike të rendit të ditës, Kuvendi me 22 vota “për”, aprovoi procesverbalin nga mbledhja rregullt e Kuvendit të Komunës së Vushtrrisë, e muajit maj 2024, e mbajtur më datë 03 qershor 2024.

2. Shqyrtimi i Informatës për ndarjen e bursave dhe shpërblimet e nxënësve për vitin 2023/2024.

Faton Hyseni, anëtar i kuvendit-tha se, është dashur që në politikat e stimulimit të studentëve nga ana komunës, konkretisht nga ana e DKA-së është dashur të merren për bazë studentët e drejtimit Informatikë në Universitetin e Mitrovicës “Isa Boletini”, të cilët janë të nivelit evropian dhe kanë një bashkëpunim dhe konkurrojnë edhe me studentët e fakulteteve gjermane dhe mos të përfshihet në bursa asnjë student, vërtetë është për keqardhje, por edhe e dëmshme.

Ymer Haradinaj, anëtar i kuvendit-tha se, komisioni për ndarjen e bursave, ka bërë një punë të shkëlqyeshme dhe për këtë e përgëzojmë për punën e kryer me përgjegjësi. Më pas pyeti se a është në kompetencën e kryetarit të komunës që pas propozimit të komisionit të ankesave të miratoj edhe dy bursa shtesë.

Sylejman Mehulli, anëtar i kuvendit-pyeti komisionin për ndarjen e bursave se cili është fati i bursave për të cilat nuk ka pasur konkurrentë, e në veçanti nuk ka pasur aplikantë sidomos në Fakultetin e Shkencave Matematiko-Natyrore drejtimi Fizikë Bachelor, nuk ka fare studentë. Në ndërkohë nga plotë figura në këtë kuvend nga udhëheqësja e komunës, është akuzuar në mënyrë profesioniste, një grua, një profesioniste, një profesoreshë e fizikës, për ngjyime politike, e në ndërkohë kjo komunë nuk ka as studentë në lëndën e fizikës. Le të mbetet turpi i të turpëruarve, që kanë përdor të gjuajnë çdo gurë, sepse nuk ka pasur as kandidatë nëpër konkurse kandidatë të kualifikuar. Herëve tjera le ta përdorin vetëm argumentin e qartë politik sepse e vërteta gjithherë triumfon dhe e vërteta kur triumfon ndaj shpifjes e poshtëron atë që udhëhiqet nga shpifja. Prandaj le të mbetet poshtërimi mbi ata që tentojnë të përdhosin vlerat e njerëzve kredibil dhe profesionist. Mandej duke falënderuar përfaqësuesin e DKA-së për qasjen korrekte shtoj dhe vlerësoi se është fat që stafi i DKA-së nuk po bie në presionin e politikave ditore. Tutje ceku se duhet të përdoren politika stimulative, si p.sh te drejtimi i Veterinarisë, ku nuk ka pasur kandidat atëherë të stimulohen që të rinjtë të studiojnë në këto drejtime. Ai propozoi që të gjenden modalitetet që të ndahen bursa edhe për studentët e farmacisë për shkak të kohëzgjatjes së studimeve në këtë drejtim. Në fund lidhur me studentë jashtë vendit bursat e mbetura, ku këto bursa barten në fushat tjera bazuar në notën mesatare, lidhur me këtë kërkoj të jepen sqarime.

Jeton Gjaka, anëtar i kuvendit-e përgëzoi komision për punë e shkëlqyeshëm që ka bërë, ndërsa uroj të gjithë studentë përfitues të bursave.

Enver Bajrami, përfaqësues i DKA-së-në cilësinë e kryesuesit të komisionit për ndarjen e bursave, paraqiti sqarime të hollësishme lidhur me procesion dhe procedurat e ndarjes së bursave për student dhe në të njëjtën kohë u përgjigj në çështje dhe temat e ngritura nga anëtarët e kuvendit.

3. Shqyrtimi i Informatës lidhur me ofrimin e shërbimeve nga Drejtoria për Administratë.

Hyra Uka, drejtoreshë e Drejtorisë për Administratë-paraqiti sqarime lidhur me informatën në fjalë duke dhënë informata shtesë për numrin e lindjeve jashtë Komunës së Vushtrrisë, të cilët e kanë adresën e vendbanimit në komunën tonë sipas kërkesave të anëtarëve të Komitetit për Politikë

dhe Financa. Numri total i këtyre lindjeve jashtë Komunës së Vushtrrisë është 335 sipas statistikave të Agjencisë për Regjistrimin Civil.

4. Shqyrtimi i Informatës rreth procedurës së legalizimit të objekteve pa leje.

5. Shqyrtimi dhe aprovimi i Raportit të vlerësimit të dëmeve nga fatkeqësitë natyrore dhe fatkeqësitë tjera.

Fatmire Cecelia, anëtare e kuvendit-tha se, ka vërejtur një diskrepancë të vlerësimit të dëmeve tek ekonomitë familjare, duke krahasuar se kemi një ngatërrim mes vlerësimit në vlerë financiare të një sere dhe të një pullazi të një shtëpie me vlera diametralisht të mëdha në vlerë dhe vlerësim të gabuar.

Agim Miftari, zyrtar i Drejtorisë së Emergjencave-paraqiti sqarime hyrëse lidhur me raportin për vlerësimin të dëmeve nga fatkeqësitë natyrore dhe fatkeqësitë tjera duke iu përgjigjur çështjeve të ngritura nga anëtarët e kuvendit.

Në fund të debatit lidhur me këtë pikë të rendit të ditës, kuvendi pas votimit me vota “unanime” vendosi me sa vijon:

1. Me këtë vendim aprovet raporti i Komisionit Komunal lidhur me Vlerësimin e Dëmeve nga Fatkeqësitë Natyrore dhe Fatkeqësitë e tjera, në Komunën e Vushtrrisë, për periudhën dhjetor 2023, si dhe muajt: janar, shkurt, mars dhe maj 2024.

2. Komisioni Komunal për Vlerësimin e Dëmeve nga Fatkeqësitë Natyrore dhe Fatkeqësitë tjera, ka dalë në terren dhe ka bërë evidentimin e dëmeve të shkuara nga moti i ligë (vërshimet, zjarret, erërat e forta dhe nga qent endacakë), që kanë mbretëruar në periudhën e sipër-cekur, në Komunën e Vushtrrisë.

3. Komisioni i cekur më lartë, ka bërë vlerësimin e dëmeve dhe ka shqyrtuar kërkesat e qytetarëve, dhe konform të gjeturave ka evidentuar dhe kalkuluar shumat e mjeteve financiare në vlerë totale prej **41,837.00 €**, si në të mbjellat bujqësore e po ashtu edhe dëmet e shkuara në ekonomitë familjare dhe këto të dhëna për dëmet janë të bashkangjitura në mënyrë tabelare në raportin e komisionit.

4. Pjesë përbërëse e këtij vendimi është Raporti i Komisionit Komunal për Vlerësimin e Dëmeve nga Fatkeqësitë Natyrore dhe Fatkeqësitë tjera, në Komunën e Vushtrrisë.

5. Për zbatimin e këtij vendimi obligohen: Drejtoria për Mbrojtje dhe Shpëtim e Komunës së Vushtrrisë dhe po ashtu ky vendim i dërgohet edhe Agjencisë për Menaxhimin e Emergjencave (AME).

6. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

6. Shqyrtimi dhe aprovimi i Propozim-vendimit për aprovimin e Kornizës Afatmesme Buxhetore 2025-2027.

Isuf Jashari, drejtor i DBF-së-paraqiti sqarime të përgjithshme lidhur me Kornizën Afatmesme Buxhetore 2025-2027, duke shpërfaqur të dhëna në indikatorët e përgjithshme lidhur me tavanet buxhetore në kategoritë e buxhetit për vitin 2025 dhe parashikimet për vitet 2026 dhe 2027.

Pas shqyrtimit të kësaj pike të rendit të ditë kuvendi pas votimit, me vota “unanime” vendosi me sa vijon:

1. Me këtë vendim aprovet Korniza Afatmesme Buxhetore 2025-2027 e Komunës së Vushtrrisë, konform Qarkores Buxhetore 2025/01, e lëshuar nga Ministria e Financave, Punës dhe Transfereve, me të cilën caktohen kufijtë buxhetor të buxhetit të Komunës së Vushtrrisë, për vitin 2025-2027.

2. Pjesë përbërëse e këtij vendimi është dokumenti me emërtimin Korniza Afatmesme Buxhetore 2025-2027 e Komunës së Vushtrrisë.

3. Për zbatimin e këtij vendimi obligohet: Drejtoria për Buxhet dhe Financa.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

7. Shqyrtimi dhe aprovimi i Propozim-vendimit për ridestinimin e mjeteve të lira financiare nga investimet kapitale.

Isuf Jashari, drejtor i DBF-së-paraqiti sqarime lidhur me propozim-vendimin për ridestinimin e mjeteve të lira financiare nga investimet kapitale, duke sqaruar se është obligim ligjor të aprovet ky vendim për ridestnimin e mjeteve financiare të komunës nga projektet kapitale në projektet dhe kodet tjera të projekteve kapitale që janë në zhvillim e sipër apo do të zhvillohen dhe me qëllim të mbulimit të detyrimeve kontraktuale.

Pas shqyrtimit të kësaj pike të rendit të ditë kuvendi pas votimit, me vota “unanime” vendosi me sa vijon:

1. Me këtë vendim bëhet ridestinimi i mjeteve financiare të komunës nga kategoria e investimeve kapitale, fondi 22 si në vijim:

Alokimi dhe Rialokimi i mjeteve, nën programi, fondi burimor 22:

INFRASTRUKTURA PUBLIKE - VUSHTERRI (18184), nga projektet:

Rregullimi i shtratit të lumit „Silnica”Kodi 51830, shuma 6,993.81€
NDËRTIMI I RRUGËS ME KUBËZA BETONI, RR. "BEKIM ZENUNI", Kodi (53280), shuma 80.00€
NDËRTIMI I RRUGËS ME KUBËZA BETONI, RR. "MURSEL HYSENI" Kodi (53285), shuma 1,737.41€
NDËRTIMI I RRUGËS ME KUBËZA BETONI, RR. "FEHMI TAHIR ISTREFI",Kodi(53288),shuma 194,97€
NDËRTIMI I RRUGËS ME KUBËZA BETONI RR. HAXHI IBRAHIMI",Kodi(53290).shuma 687.00€
NDËRTIMI I RRUGËVE ME KUBËZA BETONI RR. "BAHRI KUQI" SEGMANT, Kodi (53293), shuma 2,796.00€
NDËRTIMI I RRUGËVE ME KUBËZA BETONI RR. "ADEM ADEMI"Kodi(53295),shuma 92.52€
NDËRTIMI I RRUGËS ME KUBËZA BETONI RR. "HAZIR GJAKA",Kodi(53297),shuma4,887.50 €
NDËRTIMI I RRUGËS "FARUK SUNGURI" ME KALLDËRM,Kodi(53307),shuma 2,000.00€
NDËRTIMI I TROTUARIT NË BUKOSH Kodi(53310),shuma 45.05€
NDËRTIMI I TROTUARIT NË FSH .PRELLUZHË Kodi(53312),shuma 611.00€
ZGJERIMI I RRJETIT TË UJËSJELLËSIT MIHALIQ Kodi (53331),shuma 1,204.88€

HAPJA E PUSEVE PËR UJITJE TË HAPËSIRAVE PUBLIKE NË VUSHTRRI Kodi(53365),shuma 2,230.00€
 NDRIÇIMI NË RR. "BASTRI BEQIRI"Kodi(53368),shuma1,052.00€
 NDERTIMI I URËS DHE MURIT MBROJTËS NE FSH STUDIME E EPERME Kodi(53373),Shuma 251,00€
 NDERTIMI I RRUGES ME KUBEZA BETONI FSH REZNIK Kodi(53988),shuma 102.60€
 NDERIMI I RRUGES ME KUBEZA BETONI RR "ALBANIA SFARAQAK" Kodi(53990),shuma 531.22€
Totali i mjeteve të alokuara..... 25,496.96€

Të rialokohen në projektet

SINJALIZIMIT NDRIÇUES ME MONITOR DIGJITAL INFORMUES NE KATËR Kodi (53315), shuma 8,589.04€
 NDËRTIMI I RR..DUMNICË (ME ZHAVOR), Kodi (53342), shuma 14,808.00€
 Ndërtimi i trotuareve në Vushtri, Stanoc, Smrekonicë, Kodi (51821), shuma 2,099.92€
Totali i mjeteve të rialokuara..... 25,496.96€

Alokimi dhe Rialokim i mjeteve, nën programi fondi burimor 22:

PLANIFIKIMI URBANIZMI INSPEKSIONI - VUSHTRRI (66425), nga projektet:

MBJELLJA E DRUNJVE DEKORATIV, Kodi (49588),shuma 18.03€
 ASFALTIMI I RRUGES VESEKOC SLLAKOVC,Kodi(52188),shuma 1,249.00€
 ASFALTIMI I RR. PRELLUZHË,kodi(52305),shuma 56.30€
 NDËRTIMI I RRUG."2 MAJI" ME INFRASASFALTIMI I RR. CECELI,Kodi(53411),shuma 2,951.58€
 NDËRTIMI I RRUG."2 MAJI" ME INFRASTRUKTURË PËRCJELLËSE,Kodi(53283),shuma 946.64€
 ASFALTIMI I RRUG. DUMNICE,Kodi(53410),shuma 730.00€
 ASFALTIMI I RR. AKRASHTICE,Kodi(53412),shuma 6,994.77€
 ASFALTIMI I RR. BAJSKË,kodi(53413),shuma 3,870.00€
 ASFALTIMI I RR. SMREKONICË,Kodi(53414),shuma 2,050.00€
 ASFALTIMI I RR. BALINCË,kodi(53416),shuma 2,150.00€
 ASFALTIMI I RR. SHITARICË,Kodi(53499),shuma 2,100.00€
 ASFALTIMI I RRUG. NË GOJBULË,Kodi(53553),shuma 2,820.00€
 ASFALTIMI I RRUG. STANOC I EPËRMKodi(53554),shuma 3,000.00€
 ASFALTIMI I RR. STANOC I ULËTKodi(53561),shum 1,520.00€
 ASFALTIMI I RR. STUDIME E ULËT,Kodi(53565),shum 1,520.00€
 ASFALTIMI I RR. PASOMË,Kodi(53586),shuma 1,400.00€
 ASFALTIMI I RR. MAXHUNAJ,Kodi(53594),shuma 2,870.00€
 NDERTIMI I RRUGEVE LOKALE NE FSHATRA AKRASHTICE, VERNICE,Kodi(53971),shuma 11,454.16€
Totali i mjeteve të alokuara..... 46,300.48€

Të rialokohen në projektet

NDËRTIMI I RRUG. "AVNI SARAÇI" VICIANA,Kodi(53262),shuma 37,476.00€
 ASFALTIMI I RR. PASOMË, Kodi(53586),shuma 8,824.48€
Totali i mjeteve të rialokuara..... 46,300.48€

Alokimi dhe Rialokim i mjeteve, nën programi fondi burimor 22:

SHËRBIMET KULTURORE - VUSHTRRI (85024), nga projektet:

BLERJA E MONITORIT LED ME PËRMASA 3X5 PËR SKENËN E SALLËS ,Kodi (52299),shuma 695.00€
 NDËRTIMI I NJË SKULPTURE ME KARAKTER ARTISTIK (PARA QENDRËS,Kodi(52877),shuma 130.00€
 RIKONSTRUKTIMI I MUZEUT "MAHMUT AGË GJINOLLI",Kodi(53632),shuma2,000.00€
Totali i mjeteve të alokuara..... 2,825.00€

Të rialokohen në projektet

RENOVIMI I PALESTRËS „JETON TERRSTENA", Kodi(51007),shuma 2,825.00
Totali i mjeteve të rialokuara..... 2,825.00€

Alokimi dhe Ri-alokim i mjeteve, nën programi fondi burimor 22:

SHËRBIMET E KUJDESIT PRIMAR SHËNDETËSOR- VUSHTRRI (74450), nga projektet
RREGULLIMI I OBORRIT TË QKMF-SË VUSHTRRI, Kodi (52749), shuma 10,313.75
Totali i mjeteve të alokuara..... 10,313.75€

Të rialokohen në projektet

IZOLIMI I KULMIT NË QMF-I, RREGULLIMI DHE NGJYROSJA E OBJEKTIT, Kodi(52822), shuma 3,744.10
54710 Rehabilitimi I objekteve shëndetsore dhe rrethojave per QKMF,QMF-të dhe AMF
Vushtrri, Kodi(54710), shuma 6,569.64
Totali i mjeteve të rialokuara..... 10,313.75€

Alokimi dhe Ri-alokim i mjeteve, nën programi fondi burimor 22:

ARSIMI FILLOR - VUSHTRRI-(93690), nga projektet:

Ndërtimi i tualeteve ne SHMU „Emin Duraku“, Kodi(51854), shuma 222.39
Meremetimi i SHMU „Enver Hadari“ - Smrekonicë, Kodi(51866), shuma 350.00
Meremetimi i SHFMU "Mihaliq", Kodi(51869), shuma 550.00 Meremetimi i SHFMU "Rexhep
Musa", Kodi(51870), shuma 532.00
RENOVIMI I SHFMU "MIGJENI" STANOC LAGJA CAKAJ, Kodi (52463), shuma 4.910.00
RENOVIMI I SHFMU "LUMNI SURDULLI" SAMADREXHË, Kodi(52464), shuma 3,910.00

RENOVIMI SHFMU "ENVER HADRI" SMREKONICË, Kodi (52465), shuma 3,525.78
NDËRTIMI I PLATOS PËR SHFMU "EMIN DURAKU ", Kodi(52779), shuma 4,101.50
NDËRTIMI I DEPOS NE SHFMU "ADEM VOCA "PASOMË, Kodi(52781), shuma 147.70
NDËRTIMI I DEPOSË PËR SHFMU. "MIGJENI " LAGJA CAKAJ, Kodi(52910), shuma 147.70
NDËRTIMI I DEPOSË PËR SHFMU "MIGJENI" STANOC, Kodi(52913), shuma 363.00
NDËRTIMI I DEPOSË PËR SHFMU "ENVER HADRI" SMREKONICË, Kodi (52961), shuma 279.00
NDËRTIMI I DEPOSË PËR SHF. "ALI KËLMENDI" VUSHTRRI, Kodi (52967), shuma 773.80
NDËRTIMI I DEPOSË PËR SHFMU "7 MARS" BUKOSH, Kodi(52995), shuma 204.70
NDËRTIMI I DEPOSË PËR SHFMU "AVDYL FRASHËRI" DRUAR, Kodi(53000), shuma 185.70
RENOVIMI I SHFMU "LATIF BERISHA" DOBERLLUKË, Kodi(53032), shuma 1,856.20
RENOVIMI I SHFMU "LIRIA " STROC GLLAVOTIN, Kodi (53051), shuma 3,099.54
RENOVIMI I SHFMU REZNIK, Kodi(53052), shuma 640.00
RENOVIMI I SHFMU -MIHALIQ, Kodi(53053), shuma 737.50
RENOVIMI I SHFMU "RILINDJA" MAXUNAJ, Kodi(53054), shuma 3,506.72
RENOVIMI I SHF "ALI KËLMENDI", Kodi(53055), shuma 925.55
NDËRTIMI I PLATOS PËR SHFMU "28 NËNTORI" VËRNICË, Kodi (53533), shuma 3,469.00
NDËRTIMI I DEPOSË PËR SHFMU "MARTIRËT" REZNIK, Kodi(53713), shuma 234.70
MEREMETIMI I SHMU - I VUSHTRRI, Kodi(53968), shuma 3,230.85
Totali i mjeteve të alokuara..... 37,974.28€

Të rialokohen në projektet

NDËRTIMI I SHFMU "MUSTAF VENHARI ". Kodi(53024), shuma 37,974.28
Totali i mjeteve të rialokuara..... 37,974.28 €

Alokimi dhe Rialokim i mjeteve, nën programi fondi burimor 22:

ARSIMI I MESËM - VUSHTRRI (94890), nga projektet:

Paisje për praktike profesionale SHMP "Bahri Haxha", Kodi(51874), shum 3,337.08
MEREMETIMI I GJIMNAZIT "EQREM ÇABEJ ", Kodi(52448), shuma 520.00
TEKNOLOGJI INFORMATIVE SHMT "LUTFI MUSIQI", Kodi (52716), shuma 8,660.00
TEKNOLOGJI INFORMATIVE GJIMNAZI "EQREM ÇABEJ" VUSHTRRI, Kodi(52758), shuma 5,021.00

TEKNOLOGJI INFORMATIVE SHMP :BAHRI HAXHA",Kodi(52768),shuma 1,567.00
BLERJA E PAJISJEVE TË TI (TELEVIZOR) " BAHRI HAXHA",Kodi(52775),shuma 3,000.00
NDE.PUNETORISE DHE KABINETEVE NE SHMT LUTFI MUSIQI VUSHTRRI,Kodi(53970),shuma 16.992,00
Totali i mjeteve të alokuara..... 39,097.08€

Të rialokohen në projektet

Rehabilitimi i fushës sportive në SHMP Bahri Haxha,Kodi(54990),shuma 18,949.24
BLERJA E PAJISJEVE PËR PRAKTIKË SHMT "LUTFI MUSIQI",Kodi(53688),shuma 9,000.00
MEREMETIMII I SHMT "LUTFI MUSIQI " VUSHTRRI,Kodi(52462),shuma 7,000.00
Kaldaja për ngrohje qendrore "Lutfi Musiqi"SHMU II,Kodi(51875),shuma 4,147.84

Totali i mjeteve të rialokuara..... 39,097.08€

2. Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.
3. Pjesë përbërëse e këtij vendimi janë tabela për ridestnimin e mjeteve të lira buxhetore, të shpenzimeve kapitale.
4. Ky vendim hynë në fuqi pesëmbëdhjetë (15) ditë pas protokollimit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrisë.
8. Shqyrtimi dhe aprovimi i Propozim-vendimit për miratimin e propozimit të Kryetarit të Komunës për këmbimin e pronës së paluajtshme komunale me pronën private për zgjerimin e rrugës "Tahir Gerbeshi" në fshatin Ropicë –Vushtrri.

Remzi Ahmeti, drejtor i DGJKP-së-paraqiti sqarime hyrëse lidhur me këtë pikë të rendit të ditës, duke shtuar se është nevojë e komunës që bëhet këmbimi i kësaj prone me qëllim të zgjerimit të Rr."Tahir Gerbeshi".

Pas shqyrtimit të kësaj pike të rendit të ditë kuvendi pas votimit, me 26 vota "për" vendosi me sa vijon:

1. Miratohet propozimi i kryetarit të Komunës, për këmbimin e pronës së paluajtshme komunale me pronën e paluajtshme në pronësi të Zaide Gërbeshi.
2. Pronat e paluajtshme që do të këmbehen kanë këto karakteristika; Pjesë nga parcelat kadastrale P-70202055-0133K-0, në sipërfaqe prej 462.80m², nga sipërfaqja e përgjithshme prej 6225m², pronë e Zaide Shaban Gërbeshi, me pjesë ideale 1/1 dhe pjesë nga parcela kadastrale P-70202055-07014K-0 në sipërfaqe prej 419.69m², nga sipërfaqja e përgjithshme prej 2757m², pronë e Komunës së Vushtrisë.
3. Këmbimi i pronës së paluajtshme është bërë pasi që nuk ekzistojnë parcela të tjera komunale të përshtatshme për zgjerimin e rrugës publike në fjalë, bazuar në profilin e rrugës sipas Planit Zhvillimor Komunal 2016-2024.
4. Këto prona u janë nënshtruar vlerësimit të pronave nga Zyra për Vlerësimin e pronave të paluajtshme pranë Departamentit të tatimit në pronë, në kuadër të Ministrisë së Financave, Punës dhe transfereve.

5. Pronat e paluajtshme që do të këmbehen, të përshkruara në pikën 2 të këtij vendimi, duhet të evidentohen në elaboratin kadastral (librat kadastral) të Komunës.

6. Për zbatimin e këtij vendimi obligohet Drejtoria për Gjeodezi, Kadastër dhe pronë dhe Drejtoria për Urbanizëm dhe Mbrojtje të Ambientit.

7. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë së Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

9. Shqyrtimi dhe aprovimi i Propozim-vendimit për miratimin e propozimit të Kryetarit të Komunës për këmbimin e pronës së paluajtshme komunale me pronën private për zgjerimin e rrugës “Zeqir Gubetini” në Nedakoc –Vushtri.

Remzi Ahmeti, drejtor i DGJKP-së-paraqiti sqarime hyrëse lidhur me këtë pikë të rendit të ditës, duke shtuar se bëhet fjalë për këmbim të pronës mes pronës së komunës dhe pronës private, prona ndodhen në të njëjtin lokalitet me një distancë prej 30 metra largësi prej njëra tjetrës dhe bëhet për interes të përgjithshëm për zgjerimin e rr. “Zeqir Gubetini” në Nedakoc –Vushtri.

Pas shqyrtimit të kësaj pike të rendit të ditës kuvendi pas votimit me 26 vota “për”, vendosi me sa vijon:

1. Miratohet propozimi i kryetarit të Komunës, për këmbimin e pronës së paluajtshme komunale me pronën e paluajtshme në pronësi të Nuredin (Zeqir) Gubetini

2. Pronat e paluajtshme që do të këmbehen kanë këto karakteristika: Pjesë nga parcela kadastrale P-70202016-06458-6, në sipërfaqe prej 24.58m², nga sipërfaqja e përgjithshme prej 855m² ZK Vushtri, pronë e Nuredin (Zeqir) Gubetini, dhe pjesë nga parcela P-70202016-03556-0, në sipërfaqe prej 24.58m², nga sipërfaqja e përgjithshme prej 17447m² ZK Vushtri, pronë e Komunës së Vushtrrisë.

3. Këmbimi i pronës së paluajtshme është bërë pasi që nuk ekzistojnë parcela të tjera komunale të përshtatshme për zgjerimin e rrugës publike në fjalë, bazuar në profilin e rrugës sipas Planit Zhvillimor Komunal 2016-2024.

4. Këto prona u janë nënshtruar vlerësimit të pronave nga Zyra për Vlerësimin e Pronave të Paluajtshme pranë Departamentit për Vlerësimin e Pronave të Paluajtshme, në kuadër të Ministrisë së Financave, Punës dhe Transfereve.

5. Pronat e paluajtshme që do të këmbehen, të përshkruara në pikën 2 të këtij vendimi, duhet të evidentohen në elaboratin kadastral (librat kadastral) të Komunës.

6. Për zbatimin e këtij vendimi obligohet Drejtoria për Gjeodezi, Kadastër dhe pronë dhe Drejtoria për Urbanizëm dhe Mbrojtje të Ambientit.

7. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë së Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

10. Shqyrtimi dhe aprovimi i Propozim-vendimit për ndarje të mjeteve financiare për organizim e shënimit të 100 vjetorit të rezistencës së Heroit Azem Bejta.

Fatmire Cecelia, anëtare e kuvendit-kërkoi sqarime lidhur me këtë propozim-vendim, se kujt po i ndahen këto mjetet sepse kjo po i bie që Drejtoria e Kulturës po i ndan mjete financiare vetë vetës së saj.

Sylejman Mehulli, anëtar i kuvendit-vlerësoi se, nuk e vë në dilemë se është e rëndësishme që të financohet organizmi i këtij manifestimi dhe shtoj se në këtë rast po del në pah se DKRS-ja nuk ka qenë në nivel të detyrës, sepse kjo e fundit e ka një plan të punës dhe një kalendar të aktiviteteve në të cilin i parashihet në fillim të vitit të gjitha aktivitetet që do të mbahen gjatë një viti kalendarik e të cilat i buxhetonë drejtoria për dedikimin e caktuar. Ajo çka është e dhimbshme është fakti se këto mjete po merren nga kategoria e subvencioneve, në të cilën po kemi më së shumti kërkesa për financim dhe më së paku po kemi buxhet. Nëse planifikimi do të bëhet me kohë atëherë këto aktivitete do të mund të mbuloheshin edhe nga kategoria mallra dhe shërbime, ata do ta përkrahin këtë vendim por mundon se kjo nuk është një praktikë e mirë dhe apelon mos të ndiqet në ta ardhmen.

Në fund të debatit lidhur me këtë pikë të rendit të ditës kuvendi pas votimit me 26 vota “për” vendosi me sa vijon:

1. Me këtë vendim ndahen mjetet financiare në shumë prej 3,700.00 euro (tremijë e shtatëqind euro), për organizim e shënimit të 100 vjetorit të rezistencës së Heroit Azem Bejta.

2. Mjetet financiare të cekura si në pikën paraprake të këtij vendimi, do të sigurohen nga buxheti i komunës – kategoria subvencione dhe transfere të Drejtorisë për Kulturë, Rini dhe Sport.

3. Për zbatimin e këtij vendimi obligohet Drejtoria për Buxhet dhe Financa dhe Drejtoria për Kulturë, Rini dhe Sport.

4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

11. Shqyrtimi dhe aprovimi i Propozim-vendimit për përkrahje financiare për Klubin e Futbollit “Vushtrria”.

Para votimit të kësaj pike të rendit të ditës, anëtari i kuvendit z. Adnan Lahu, deklaroi se nuk merr pjesë në votim me qëllim të shmangies së konfliktit të interesit.

Pas shqyrtimit të kësaj pike të rendit të ditës kuvendi pas votimit me 25 vota “për”, vendosi me sa vijon:

1. Me këtë vendim ofrohet përkrahje financiare në shumë prej njëqind mijë euro (100,000,00 €), për Klubin e Futbollit "Vushtrria", në Vushtri.

2. Mjetet financiare të cekura si në pikën paraprake të këtij vendimi, do të sigurohen nga buxheti i komunës – kategoria subvencione dhe transfere, të Drejtorisë për Kulturë, Rini dhe Sport. Në mungesë të mjeteve në këtë drejtori, do të sigurohen nga njësitë e tjera buxhetore, ku ka mjete të lira.

3. Për zbatimin e këtij vendimi obligohet Drejtoria për Buxhet dhe Financa si dhe drejtoritë tjera kompetente komunale.

4. Ky vendim hyn në fuqi pesëmbëdhjetë (15) ditë pas regjistrimit në zyrën e Protokollit në Ministrinë e Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

12. Shqyrtimi i kërkesës për ofrimin e mbështetjes financiare për shërim për znj. Hanëmshahe Kajtazi.

Isuf Jashari, drejtor i DBF-së-sqaroi se për çdo vendim që merr kuvendi i komunës duhet të figuroj një pasues që të revidohet planin e Drejtorisë së Financave, me qëllim të mbulimit të kostos së atij vendimi dhe realizimin e mjeteve financiare. Ai ceku se në kuadër të kategorisë së subvencioneve në Drejtorinë për Shëndetësi dhe Përkujdesje Sociale, të merren mjete për mbulimin e kostos së këtij vendimi.

Jeton Gjaka, anëtar i kuvendit-arsyeto se, kërkesa për ndihmë financiare për shërim është e natyrës urgjente dhe imediate, andaj kërkoi që të gjendet ndonjë kod tjetër buxhetor, ku do të mbulohet kostoja e vendimit në vlerë prej 8000 €, kjo për faktin se gjendja e pacientes është tepër e rënd dhe po ashtu sëmundja e saj është tepër e kushtueshme, dhe kjo ka bërë që gjendja socio-ekonomike e kësaj familje të rrënohet.

Refik Maloku, anëtar i kuvendit-tha se, kur bëhet fjalë për ofrimin e ndihmës për shërim, ky kuvend është mirë ti heqë disa praktika jo humane dhe të ndërtoj një standard të barabarsisë së ndarjes se këtyre ndihmave kur është në pyetje shëndeti i qytetarëve. Apeloj që të ndahen këto mjete për parashtruesin sipas kërkesës së saj.

Sylejman Mehulli, anëtar i kuvendit-vlerësoi se, këto kërkesa që lidhen me shërim, janë të natyrës më të ndjeshme dhe shtoj se cilido që të jetë propozimi dhe vlera e mjeteve ata do ta votojnë. Tutje ceku se duhet bërë e ditur se forma se si po ndahen këto mjete është e kundërligjshme sepse këto mjete nuk duhet të ndahen përmes kuvendit. Në këtë kontekst ai vlerësoi se kjo praktikë e ndarjes së këtyre mjeteve është tepër jo e rregullt dhe jo humane sepse është duke krijuar pabarazi në shpërndarjen e këtyre mjeteve, sepse ai cili po ka një mbështetje në kuvend, por përfiton mirë, ndërsa ata që nuk kanë mbështetje dhe janë me diagnoza me sëmundje të rënda po mbesin pa kurrfarë përkrahje financiare.

Hava Rruka-Mlinku, nënkryetare e komunës-sqaroi se, kjo kërkesë është adresuar te kryetari i komunës dhe është mbështetur nga anëtarët e kuvendit z. Gjaka dhe znj. Shala, vullneti i qeverisë komunale është që të mbështetë këtë rast me shumën e cekur si në kërkesë. Ajo vlerësoi se hezitimi ishte se kjo kërkesë është dashur të kaloj nëpër komisionin profesional mjekësor e më pas të silltet për aprovim në kuvend.

Në fund të debatit, lidhur me këtë pikë të rendit të ditës, kuvendi pas votimit me vota “unanime” vendosi me sa vijon:

1. Me këtë vendim znj. Hanëmshahe Kajtazi, i ofrohet mbështetje financiare në shumë prej tetëmijë euro (8000.00 €), për financimin e nevojave dhe shpenzimeve për shërim, e cila vuan nga një sëmundje e rënd kronike.
2. Mjetet financiare të cekura në pikën paraprake të këtij vendimi do të sigurohen nga buxheti i komunës – kategoria: subvencione dhe transfere, **Programi Buxhetor (74450), në Drejtorinë për Shëndetësi dhe Përkujdesje Sociale.**
3. Për zbatimin e këtij vendimi obligohen: Drejtoria për Buxhet dhe Financa, Zyra e Kryetarit të Komunës si dhe Drejtoria Shëndetësi dhe Përkujdesje Sociale.
4. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Mbledhja përfundoi në ora 13:55

Bastri Duraku


Procesmbajtës

Melihate Basholli-Latifi


Kryesuese e Kuvendit

